

## Reglur leikskóla Skaftárhrepps

### 1 gr.

#### **Rekstraraðili:**

Leikskóli Skaftárhrepps starfar samkvæmt lögum um leikskóla nr. 90/2008, reglugerðum sem um starfsemi leikskóla gilda, öðrum stefnumótandi gögnum og Aðalnámskrá leikskóla. Námskránni er ætlað að vísa ólkum hagsmunaaðilum í skólasamfélaginu veginn hvað varðar stefnu og hugmyndafræði leikskólastarfs. Leikskólinn er fyrsta skólastigið í íslensku skólakerfi og annast að ósk foreldra uppeldi, umönnun og menntun barna á leikskólaaldri.

Í Skaftárhreppi er einn leikskóli, hann eru: Heilsuleikskólinn Kæribær.

Leikskóli Skaftárhrepps notar leikskólakerfið Karellen til að halda utan um starfsemi leikskólans en bæði starfsfólk og foreldrar nota kerfið til samskipta og upplýsinga.

### 2. gr.

#### **Umsókn og innritun:**

Sækja má um leikskóla frá fæðingu barns, eða strax og kennitala þess hefur verið skráð. Sótt er um leikskóla á heimasíðu Skaftárhrepps, [www.klaustur.is](http://www.klaustur.is), undir þjónusta, Heilsuleikskólinn Kæribær.

Skilyrði fyrir inngöngu í leikskóla er að barn eigi lögheimili í Skaftárhreppi. Barnið getur verið á umsóknarlista þótt lögheimili sé annars staðar. Úthlutunin er einnig háð því skilyrði að foreldri sé ekki í vanskilum með leikskólagjöld. Ef um þriggja mánaða vanskil er að ræða er rekstraraðila heimilt að segja upp leikskólasamningi með mánaðar fyrirvara að undangenginni ítrekun.

Víkja má frá meginreglum um inngöngu nemenda í leikskóla ef sérstakar aðstæður krefjast þess og forgang í leikskóla eiga: -

- Börn einstæðra foreldra.
- Börn í elsta árgangi leikskóla.
- Börn starfsmanna leikskólans.
- Börn geta fengið forgang skv. ákvörðun leikskólaufulltrúa og félagsþjónustu, vegna sérþarfa eða félagslegra erfiðleika. Beiðni um forgang þarf að fylgja bréf frá félagsmálastjóra, félagsráðgjafa, viðurkenndum greiningaraðila, lækni eða öðrum eftir því sem við á. Ef foreldri/forráðamaður hefur athugasemdir við niðurstöðu má vísa erindinu til sveitarstjórnar.

Aðalinntun í leikskóla fer fram í apríl-máí fyrir næsta skólaár og eru börn þá innrituð í stað þeirra sem útskrifast og hætta.

Í Heilsuleikskólanum Kærabæ er leikskólapláss, að jafnaði, í boði fyrir börn sem náð hafa eins árs aldri við upphaf skólaárs leikskólans 1. september. Börn eru innrituð í leikskóla eftir aldri þannig að eldri börn ganga fyrir þeim yngri. Ef pláss losnar í annan tíma á skólaárinu þarf að taka tillit til þess aldursviðmiðs og tíma sem losnar þegar úthlutað er af biðlista í plássið.

Þegar barn hefur fengið inngöngu í leikskóla fá foreldrar tölvupóst frá leikskólastjóra með upplýsingum um hvenær leikskólagangan hefst og boðun í viðtal hjá deildarstjóra. Í flestum tilfellum hefst leikskólagangan við upphaf næsta skólaárs eða eftir sumarleyfi leikskólans og varir fram að sumarleyfi árið sem barnið verður 6 ára.

*3. gr.  
Leikskólagjöld:*

Skaftárhreppur greiðir að stærstum hluta kostnað við dvöl barna í leikskóla sveitarfélagsins. Leikskólagjöld eru greidd eftirá, gjalddagi er 1. hvers mánaðar og eindagi 16. hvers mánaðar. Foreldrar greiða leikskólagjöld í hlutfalli við þann tíma sem börn þeirra dvelja í leikskólanum. Einnig greiða foreldrar fyrir fæði barna sinna.

Upplýsingar um gjöld og afslætti er að finna í gjaldskrá skólastofnana Skaftárhrepps og er hún birt á heimasíðu sveitarfélagsins. Ef um þriggja mánaða vanskil er að ræða er rekstraraðila heimilt að segja upp leikskólasamningi með mánaðar fyrirvara að undangenginni ítrekun.

Gjaldskráin er tvískipt:

**Almennt gjald** fyrir hjón og sambúðarfólk.

**Forgangsgjald fyrir einstæða foreldra.** Sækja þarf um að greiða forgangsgjald á þar til gerðu eyðublaði sem hægt er að nálgast hjá leikskólastjóra. Til að greiða forgangsgjald þarf foreldri/forráðamaður að vera skráður einstæður í þjóðskrá. Forgangsgjald er 40% afsláttur af leikskólagjöldum.

Heimilt er að innheimta sérstakt gjald ef foreldrar virða ekki umsamin leikskólatíma. Þar gildir að mæti foreldrar of snemma með barn eða sæki það of seint oftar en einu sinni í mánuði er innheimt sérstakt gjald í hvert sinn. Reglan er sú að barn með skólatíma 8:00-16:00 komi í leikskólann e. kl. 8:00 og er farið fyrir kl. 16:00.

Til að njóta systkinaafsláttar þurfa börnin að vera skráð á kennitölu sama forráðamanns og með sameiginlegt lögheimili. Greitt er fullt gjald fyrir yngsta barn. Systkinaafsláttur er 30% afsláttur fyrir annað barn, 75% afsláttur fyrir þriðja barn og 100% afsláttur fyrir fjórða barn.

Hægt er að fá fæðiskostnað felldan niður ef nemandi er fjarverandi 10 skóladaga samfellt.

Leikskólinn er lokaður í fimm vikur á tímabilinu 15. júní til 15 ágúst ár hvert, eða 25 virka daga, vegna sumarleyfa.

- Leikskólagjöld falla niður í sumarlokun leikskólanna en leyfilegt er að fá leikskólagjöld felld niður í allt að 6 vikur, eða 30 virka daga, vegna sumarleyfa á ári. Leikskólagjöld eru ekki feld niður í öðrum leyfum eða fríum.



**4. gr.**

***Leikskólasamningur:***

Við upphaf leikskólagöngu skrifa foreldrar undir sérstakan leikskólasamning sem meðal annars kveður á um leikskólatíma, fæðiskaup og fl.. Leikskólasamningur tekur mið af reglum þessum.

Gagnkvæmur uppsagnarfrestur á leikskólasamningi er einn mánuður og miðast við 1. eða 15. hvers mánaðar. Segja skal upp leikskólasamningi á þar til gerðu eyðublaði sem hægt er að nálgast hjá leikskólastjóra eða í leikskólakerfinu.

Óski foreldrar eftir breytingum á leikskólasamningi eða fæðiskaupum sækja þeir um það með tveggja vikna fyrirvara fyrir 1. og 15. hvers mánaðar á þar til gerðu eyðublaði sem hægt er að nálgast inn í leikskólakerfinu.

**5. gr.**

***Opnunartími, starfsmannafundir og starfsdagar:***

Opnunartími leikskólans er frá: 7:45 til 16:15.

Leikskólinn er lokaður á þorláksmessu, aðfangadag og gamlársdag. Gera má ráð fyrir skertri þjónustu í á milli hátíða þar sem ekki er um skipulagt leikskólastarf að ræða heldur vistun fyrir þá sem þurfa. Mætingu þarf að skrá fyrir 20. nóvember ár hvert, vegna skipulags á skólastarfinu og hægt er að sækja um niðurfellingu leikskólagjalda ef sótt er um leyfi fyrir barn á milli hátíða. Til að leikskólinn verði opinn þurfa að lágmarki 5 börn að skrá sig fyrir 20. nóvember ár hvert.

Leikskólinn er lokaður vegna starfsmannafunda í 7 klst. á hverju skólaári, 1-2 klst. í senn allt eftir aðstæðum hverju sinni. Starfsmannafundir eru skráðir á skóladagatal skólans.

Skipulagsdagar leikskólans eru 5 og er leikskólinn lokaður þessa daga. Auk skipulagsdaga er lokað einn dag vegna sameiginlegs menntadags grunn- og leikskóla á samti einum degi vegna Haustþings. Framkvæmd skipulagsdaga er alfarið í höndum leikskólastjóra og þeim ráðstafað á þann veg sem best hentar hverju sinni. Skipulagsdagar eru skráðir á skóladagatal skólans. Stefnt skal að því skólastjórnendur leik- og grunnskóla, samræmi þessa daga eins og kostur er.

Samþykkt af sveitarstjórn Skaftárhrepps, 29. mars 2023 og um leið fallur úr gildi reglugerð um Heilsuleikskólann Kærabæ, sem samþykktar voru þann 13. desember 2018.

Einar Kristján Jónsson,  
sveitarstjóri.

